

**Мемлекеттік білім тапсырысы аясында
орта білім берумен қамтамасыз ету бойынша қызмет
№1255 Келісім-шарты**

Нұр-Сұлтан қ.

« 02 » маусым 2022 жыл

Бұдан әрі Тапсырыс беруші деп аталатын «Нұр-Сұлтан қаласының Білім басқармасы» мемлекеттік мекемесі, ереже негізінде әрекет ететін Басшысының орынбасары **Еламанов Нариман Тапатарович**, бір тараптан және бұдан әрі «Өнім беруші» деп аталынатын Нұр-Сұлтан қаласы әкімдігінің «№93 мектеп-лицейі» шаруашылық жүргізу құқығындағы мемлекеттік коммуналдық кәсіпорны бұдан әрі Өнім беруші, оның атынан *Жарғы* негізінде әрекет ететін Директор **Нүсіпжан Жеңіскүл Темірханқызы**, екінші тараптан, бұдан әрі бірлесіп «Тараптар» деп аталатын, Қазақстан Республикасының «Білім туралы» 2-бабының 3-тармағы 3-тармақшасы мемлекеттік білім беру тапсырысы қызметтерін сатып алу бойынша шартын (бұдан әрі-шарт) жасасты және төмендегілер туралы келісімге келді:

1 Шарттың мәні

1.1 Өнім беруші осы Шарттың ажырамас бөлігі болып табылатын оған қосымшаларда көрсетілген шарттарға, талаптарға сәйкес және баға бойынша Қызмет(тер) көрсетуге міндеттенеді, ал Тапсырыс беруші осы Шарттың талаптарымен Көрсетілген қызмет(тер)ді қабылдауға және Шарт бойынша Өнім беруші өз міндеттемелерін тиісінше орындау шартында төлеуге міндеттенеді:

ерекшелігі бойынша 040-011-159 Мемлекеттік білім тапсырысы аясында орта білім берумен қамтамасыз ету бойынша қызметтер.

1.2 Төменде келтірілген құжаттар мен онда келісілген шарттар осы Шартты құрайды және оның ажырамас бөлігі болып табылады, атап айтқанда:

- 1) осы Шарт;
- 2) техникалық ерекшелік.

2 Шарттың сомасы және ақы төлеу шарттары

2.1 Шарттың жалпы сомасы ҚҚС – сыз **46 000 000 (қырық алты миллион теңге нөл тиын)** теңгені құрайды және қызметтер көрсетуге байланысты барлық шығыстарды (бұдан әрі-Шарттың сомасы) қамтиды.

2.2 Қазынашылықтың аумақтық органында Шарт **040** Мемлекеттік орта білім беру ұйымдарында жан басына шаққандағы қаржыландыруды іске асыруға бюджеттік бағдарламасы, **011** Республикалық бюджеттен берілетін трансферттер есебінен кіші бағдарламасы, **159** Өзге де қызметтер мен жұмыстарға ақы төлеу ерекшелігі бойынша - **46 000 000 (қырық алты миллион теңге нөл тиын)** - ҚҚС есепке алмағанда 2022 жылы тіркеуге жатады.

2.3 Көрсетілген қызмет үшін төлемді Тапсырыс беруші көрсетілген қызмет актісіне Тараптар қол қойған күннен бастап 30 (отыз) күнтізбелік күннен кешіктірмей Өнім берушінің есеп шотына ақшалай қаражат аудару арқылы жүргізеді.

2.4 Сандық және құндық мәнде көрсетілетін қызметтердің көлемі Шартқа техникалық ерекшелікте айтылған.

2.5 Төлем алдындағы қажетті құжаттар:

- 1) аумақтық қазынашылық органында тіркелген шарт;
- 2) көрсетілген қызметтер актісі (актілері);
- 3) жұмыстар мен қызметтердегі жергілікті қамту туралы есеп;
- 4) Өнім беруші Тапсырыс берушіге көрсеткен қызметтердің сипаттамасы, жалпы сомасы көрсетілген электрондық шот-фактура;

3 Тараптардың міндеттемелері

3.1 Өнім беруші мыналарға:

1) шарт бойынша өзіне алған міндеттемелердің толық және тиісінше орындалуын қамтамасыз етуге міндетті;

2) шарт бойынша өз міндеттемелерін орындау кезінде Шарттың ажырамас бөлігі болып табылатын осы Шартқа қосымшаларда көрсетілген талаптарға көрсетілетін қызметтердің сәйкестігін қамтамасыз етуге міндетті;

3) Тапсырыс берушінің алдын ала жазбаша келісімінсіз жоғарыда санамаланған қандай да бір құжаттар мен ақпаратты Шартты іске асыру мақсатынан басқа мақсатта пайдаланбауға тиіс;

4) Тапсырыс берушінің бірінші талабы бойынша шарт бойынша міндеттемелердің орындалу барысы туралы ақпарат ұсынуға міндетті;

5) Өнім берушінің Шарт талаптарын тиісінше орындамауынан және/немесе өзге де құқыққа сыйымсыз әрекеттерден туындаған келтірілген залалдарды Тапсырыс берушіге толық көлемде өтеуге міндеттенеді;

6) Тапсырыс берушіге веб-портал арқылы электрондық-цифрлық қолтаңбамен бекітілген Қазақстан Республикасы Білім және ғылым министрінің 2022 жылғы 14 қаңтардағы № 12 бұйрығымен бекітілген мемлекеттік білім беру тапсырысы қызметтерінің шарттарын жасасу қағидаларына техникалық ерекшелікте қоса беріліп отырған нысанына сәйкес көрсетілген қызметтер актісін, сондай-ақ қызметтердегі жергілікті қамту туралы есепті ресімдеуге және жіберуге міндетті;

7) Тапсырыс беруші көрсетілген қызметтер актісін бекіткеннен кейін шот-фактураны электрондық шот-фактуралардың ақпараттық жүйесінде электрондық нысанда жазып беру қағидаларына сәйкес электрондық шот-фактуралардың ақпараттық жүйесі арқылы электрондық нысанда шот-фактура жазып беруге міндетті;

3.2 өнім беруші:

1) Тапсырыс берушіден шарт бойынша көрсетілген қызметтер үшін ақы төлеуді талап етуге құқылы;

2) Тапсырыс берушімен орындау мерзімін алдын ала келісе отырып, Шартқа техникалық ерекшелікте көрсетілген қызметтерді мерзімінен бұрын көрсетуге құқылы.

3.3 Тапсырыс беруші:

1) қызметтер көрсету үшін Өнім беруші мамандарының қол жеткізуін қамтамасыз етуге міндетті;

2) көрсетілген қызметтердің сәйкессіздіктері анықталған кезде тез арада өнім берушіні жазбаша хабардар етуге міндетті;

3) жеткізушіден оны алған күннен бастап 10 (он) жұмыс күні ішінде көрсетілген қызметтер актісін бекітуге не дәлелді негіздемелерді көрсете отырып, қызметтерді қабылдаудан бас тартуға құқылы;

4) көрсетілген қызметтер актісі бекітілгеннен кейін Өнім беруші электрондық шот-фактуралардың ақпараттық жүйесінде электрондық нысанда шот-фактураны жазып беру қағидаларына сәйкес электрондық шот-фактуралардың ақпараттық жүйесі арқылы электрондық нысанда жазып берген шот-фактураны қабылдауға міндетті;

5) осы Шартта белгіленген тәртіппен және мерзімдерде төлем жүргізуге құқығы бар.

3.4 өнім беруші:

1) көрсетілген қызметтердің сапасын мониторингілеу;

2) қызметтер мерзімінен бұрын көрсетілген жағдайда Тапсырыс беруші Қызметтерді мерзімінен бұрын қабылдауға және ол үшін шарт талаптарына сәйкес ақы төлеуге құқылы. Қызметті мерзімінен бұрын көрсетуден бас тартуға оны қабылдау мүмкіндігі болмаған жағдайларда жол беріледі.

4 Қызметтердің техникалық ерекшелікке сәйкестігін тексеру

4.1 Тапсырыс беруші немесе оның өкілдері көрсетілетін қызметтердің техникалық ерекшелікте көрсетілген талаптарға сәйкестігі тұрғысына мониторинг жүргізе алады. Бұл ретте осы мониторинг бойынша барлық шығыстарды Өнім беруші көтереді. Тапсырыс беруші Өнім берушіні осы мақсаттар үшін айқындалған өзінің өкілдері туралы жазбаша түрде және уақтылы хабардар етуге тиіс.

4.2 егер мониторинг кезінде көрсетілген қызметтердің нәтижелері техникалық ерекшеліктің талаптарына сәйкес келмейді деп танылса, өнім беруші мониторинг сәтінен бастап 3 күн ішінде Тапсырыс беруші тарапынан қандай да бір қосымша шығындарсыз техникалық ерекшелік талаптарына сәйкессіздіктерді жою бойынша шаралар қабылдайды.

4.3 жоғарыда көрсетілген бірде-бір тармақ өнім берушіні Шарт бойынша басқа міндеттемелерден босатпайды.

5 Қызметтер көрсету

5.1 өнім берушінің қызметтер көрсетуі Шарттың ажырамас бөлігі болып табылатын Шартқа техникалық ерекшелікте көрсетілген мерзімдерде жүзеге асырылады.

5.2 өнім беруші Тапсырыс берушіге осы Шартқа қосымшаларда көрсетілген талаптарға дәл сәйкестікте қызметті толық тапсырған жағдайда қызмет көрсетілген болып саналады

6 Кепілдік

6.1 Өнім беруші Тапсырыс берушіге үздіксіз, сапалы және уақтылы қызмет көрсетуді қамтамасыз етуге кепілдік береді.

6.2 Өнім беруші техникалық ерекшелік қызметтерінің қателерін, жете өңдеулері мен басқа да сәйкессіздіктерін өтеусіз түзетуге кепілдік береді.

6.3 Тапсырыс беруші Өнім берушіні осы кепілдікке байланысты барлық наразылықтар туралы жазбаша түрде жедел хабардар етуге міндетті, содан кейін Өнім беруші Тапсырыс беруші хабарламада айқындаған мерзімде осыған байланысты барлық шығыстарды қоса алғанда, кемшіліктерді өз есебінен жою жөнінде шаралар қабылдауға тиіс

6.4 егер Өнім беруші хабарламаны алып, кемшіліктерді жою бойынша тиісті шараларды уақтылы қабылдаса, Тапсырыс беруші Өнім берушінің есебінен және Тапсырыс берушінің өнім берушіге қатысты шарт бойынша иелене алатын басқа құқықтарына нұқсан келтірмей қажетті санкциялар мен кемшіліктерді жою бойынша шараларды қолдана алады.

7 Тараптардың жауапкершілігі

7.1 Тараптар осы Шарт шеңберінде өз міндеттемелерін орындамаған немесе тиісінше орындамаған жағдайда барлық даулар мен келіспеушіліктер Қазақстан Республикасының қолданыстағы заңнамасына сәйкес шешіледі.

7.2 Секвестр және/немесе тиісті бюджеттердің қолма-қол ақшаны бақылау шотында/дауыс беретін акцияларының елу және одан да көп пайызы мемлекетке тиесілі заңды тұлғаның есеп айырысу шотында ақша жеткіліксіз болған жағдайларды қоспағанда, егер Тапсырыс беруші Өнім берушіге тиесілі қаражатты Шартта көрсетілген мерзімдерде төлемесе, онда Тапсырыс беруші Өнім берушіге мерзімі өткен әрбір күн үшін тиесілі соманың 0,1% (нөл бүтін оннан бір) мөлшерінде ұсталған төлемдер бойынша тұрақсыздық айыбын (өсімпұл) төлейді. Бұл ретте тұрақсыздық айыбының (өсімпұлдың) жалпы сомасы шарттың жалпы сомасының 10% - ынан аспауға тиіс.

7.3 Қызмет көрсету мерзімдерін өткізіп алған жағдайда, Тапсырыс беруші Өнім берушіден міндеттемелерді толық орындамаған жағдайда Мерзімі өткен әрбір күн үшін шарттың жалпы сомасының 0,1% мөлшерінде тұрақсыздық айыбын (айыппұл, өсімпұл) ұстайды (өндіріп алады) не міндеттемелерді тиісінше орындамаған (ішінара орындамаған) жағдайда Мерзімі өткен әрбір күн үшін орындалмаған міндеттемелер сомасының 0,1% мөлшерінде тұрақсыздық айыбын (айыппұл, өсімпұл) ұстайды (өндіріп алады). Бұл ретте тұрақсыздық айыбының (айыппұлдың, өсімпұлдың) жалпы сомасы шарттың жалпы сомасының 10% - ынан аспауға тиіс.

7.4 . Өнім беруші қызметтер көрсетуден бас тартқан немесе шарт бойынша қызметтер көрсету мерзімі өткен күннен бастап, бірақ шарттың қолданылу мерзімінің аяқталу мерзімінен кешіктірмей бір айдан астам мерзімге қызметтер көрсету мерзімін өткізіп алған жағдайда, Тапсырыс беруші Өнім берушіден мерзімі өткен әрбір күн үшін шарттың жалпы сомасының 0,1% мөлшерінде тұрақсыздық айыбының (айыппұлдың, өсімпұлдың) сомасын өндіріп ала отырып, бір жақты тәртіппен осы Шартты бұзуға құқылы.

7.5 Тұрақсыздық айыбын (айыппұл, өсімпұл) төлеу Тараптарды осы Шартта көзделген міндеттемелерді орындаудан босатпайды.

7.6 Егер кез келген өзгеріс Өнім берушіге Шарт бойынша қызмет көрсету үшін қажетті құнның немесе мерзімдердің азаюына әкелетін болса, Шарттың сомасы немесе қызмет көрсету кестесі, немесе екеуі де тиісті түрде түзетіледі, ал Шартқа тиісті түзетулер енгізіледі. Өнім берушінің түзету жүргізуге барлық сұрау салулары өнім беруші тапсырыс берушіден өзгерістер туралы өкім алған күннен бастап 30 (отыз) күн ішінде ұсынылуға тиіс.

7.7 Өнім берушінің Тапсырыс берушінің алдын ала жазбаша келісімінсіз осы Шарт бойынша өзінің міндеттемелерін біреуге толықтай да, ішінара да беруіне жол берілмейді.

8 Шарттың қолданыс мерзімі және бұзу талаптары

8.1 Шарт Тапсырыс беруші оны Қазақстан Республикасы Қаржы министрлігінің аумақтық қазынашылық бөлімшесінде тіркелгеннен кейін күшіне енеді және 2022 жылдың 31 желтоқсанына дейін қолданылады

8.2 Шартты өзгерту және бұзу туралы Келісім, егер заңдардан, Шарттан немесе іскерлік айналым дағдыларынан өзгеше туындамаса, шарт сияқты нысанда жасалады.

8.3 Шартты өзгерту немесе бұзу туралы талапты Тарап екінші Тараптың шартты өзгерту немесе бұзу ұсынысына бас тартуын алғаннан кейін не ұсыныста көрсетілген немесе заңнамада не шартта белгіленген мерзімде, ал ол болмаған кезде - отыз күндік мерзімде жауап алмағаннан кейін ғана сотқа мәлімдей алады.

8.4 Жасалған шартқа өзгерістер тараптардың келісімі бойынша Тапсырыс берушінің бекітілген бюджеті шегінде, оның ішінде мемлекеттік бюджет қаражаты есебінен білім беру қызметтерімен қамтамасыз етілетін тәрбиеленушілер мен білім алушылар саны өзгерген кезде енгізіледі.

8.5 Шарт тараптардың келісімі бойынша оны одан әрі орындау орынсыз болған жағдайда бұзылуы мүмкін.

8.6 Шартты бұзған немесе өзгерткен жағдайда, егер Тараптардың келісімінен немесе шартты өзгерту сипатынан өзгеше туындамаса, шартты өзгерту немесе бұзу туралы тараптардың келісіміне қол жеткізілген сәттен бастап, ал шартты сот тәртібімен бұзған немесе өзгерткен кезде шартты бұзу немесе өзгерту туралы сот шешімі заңды күшіне енген кезден бастап міндеттемелер тоқтатылған немесе өзгертілген болып саналады.

8.7 Егер заң актілерінде немесе тараптардың келісімінде өзгеше белгіленбесе, Тараптар Шартты бұзған немесе өзгерткен кезге дейін міндеттеме бойынша өздері орындаған жұмысты қайтаруды талап етуге құқылы емес.

8.8 Шарттың талаптарын бұзғаны үшін қандай да бір санкцияларға нұқсан келтірмей, 7.4-тармақтың талаптарын ескере отырып, Тапсырыс беруші өнім берушіге міндеттемелердің орындалмағаны туралы жазбаша хабарлама жібере отырып, осы Шартты толық немесе ішінара бұза алады:

8.9 Мемлекеттік білім беру тапсырысы қызметтерінің шарты кез келген кезеңде бұзылуы мүмкін:

- 1) Егер өнім беруші Шартта көзделген мерзімде немесе Тапсырыс беруші ұсынған осы Шарттың ұзартылған кезеңі ішінде қызмет көрсете алмаса;
- 2) Егер өнім беруші Шарт бойынша өз міндеттемелерін орындай алмаса.

9 Хабарлама

9.1 Шартқа сәйкес бір Тарап екінші Тарапқа жіберетін кез келген хабарлама төленген тапсырыс хатымен немесе телеграф, телекс, факс, телефакс арқылы не веб-портал арқылы жіберіледі

9.2 Хабарлама жеткізілгеннен кейін немесе күшіне енуінің көрсетілген күні (егер хабарламада көрсетілсе) осы күндердің қайсысы кешірек болатынына байланысты күшіне енеді.

10 Форс-мажор

10.1 Егер Шарт талаптарының орындалмауы форс-мажорлық жағдаяттардың нәтижесі болып табылса, Тараптар ол үшін жауапкершілік көтермейді.

10.2 Шарт мақсаттары үшін «форс-мажор» Тараптардың бақылауына бағынбайтын және күтпеген сипаттағы оқиғаны білдіреді. Мұндай оқиғалар мыналарды қамти алады, бірақ тек олар ғана емес: соғыс қимылдары, табиғи немесе дүлей апаттар және басқалар.

10.3 Форс-мажорлық жағдаяттар туындаған кезде Өнім беруші тез арада Тапсырыс берушіге осындай жағдаяттар мен олардың себептері туралы жазбаша хабарлама жіберуге тиіс. Егер Тапсырыс берушіден басқа жазбаша нұсқаулықтар келіп түспесе, Өнім беруші Шарт бойынша өз міндеттерін мүмкіндігінше орындауды жалғастырады және форс-мажорлық жағдаяттарға байланысты емес Шартты орындаудың баламалы тәсілдерін іздейді.

11 Даулы мәселелерді шешу

11.1 Тапсырыс беруші мен Өнім беруші Шарт бойынша немесе оған байланысты олардың арасында туындайтын барлық келіспеушіліктер немесе даулар тікелей келіссөздер үдерісінде шешуге барлық күш-жігерлерін салуға тиіс.

11.2 Егер осындай келіссөздерден кейін Тапсырыс беруші мен Өнім беруші Шарт бойынша дауларды шеше алмаса, Тараптардың кез келгені бұл мәселені Қазақстан Республикасының заңнамасына сәйкес шешуді талап ете алады.

12 Өзге де шарттар

12.1 салықтар мен бюджетке төленетін басқа да міндетті төлемдер Қазақстан Республикасының Салық және кеден заңнамасына сәйкес төленуге жатады

12.2 Шартқа кез келген өзгерістер мен толықтырулар шарт жасасу нысанында жасалады

12.3 шарт бойынша Тараптардың бірінің міндеттерін беруге екінші Тараптың жазбаша келісімімен ғана жол беріледі.

12.4 Шарт бірдей заңды күші бар қазақ және орыс тілдерінде жасалды.

12.5 Шартпен реттелмеген бөлігінде Тараптар Қазақстан Республикасының заңнамасын басшылыққа алады.

13 Реквизиттер


Тапсырыс беруші:

"Нұр-Сұлтан қаласының Білім басқармасы" мемлекеттік мекемесі
Нұр-Сұлтан қ, Бейбітшілік, 11
БСН 880740000016
БСК ККМFKZ2A
ЖСК KZ22070102KSN6201000
"ҚР Қаржы министрлігінің Қазынашылық Комитеті" РММ
Тел.: 557455

Өнім беруші:

Нұр-Сұлтан қаласы әкімдігінің «№93 мектеп-лицей» шаруашылық жүргізу құқығындағы мемлекеттік коммуналдық кәсіпорны
Нұр-Сұлтан қ, Алматы ауданы,
Ж.Нәжімеденова көшесі 24 ғим.
БСН/ЖСН 220540004818
БСК КСJBKZKX
ЖСК KZ988562203117259668
"Банк ЦентрКредит" АҚ
Тел.:

Басшысының орынбасары


(қолы) Н. Еламанов



Директор



Ж.Т.Нүсіпжан

Техникалық ерекшелік

1. Жалпы ережелер

1. Қызмет көрсетудің мақсаты орта білім беруге мемлекеттік білім беру тапсырысы шеңберінде оқыту болып табылады және Қазақстан Республикасының Білім беру саласындағы заңнамалық актілеріне, санитарлық-гигиеналық нормаларға және басқа да нормативтік құқықтық актілерге сәйкес жүзеге асырылуға тиіс.

2. Осы Техникалық ерекшелік орта білім беруге арналған мемлекеттік білім беру тапсырысы шеңберінде оқыту бойынша көрсетілетін қызметтердің (бұдан әрі - көрсетілетін қызмет) сипаттамаларына қойылатын техникалық, сапалық және өзге де талаптарды қамтиды.

3. Негізі:

1) «Білім туралы» 2007 жылғы 27 шілдедегі Қазақстан Республикасының Заңы;

2) «Қазақстан Республикасындағы баланың құқықтары туралы» Қазақстан Республикасының 2002.08.08 № 345 Заңы

3) Қазақстан Республикасы Білім және ғылым министрінің 2016 жылғы 29 қаңтардағы №122 бұйрығы «Еңбек нарығының қажеттіліктерін ескере отырып, техникалық кәсіптік, орта білімнен кейінгі, жоғары және жоғары оқу орнынан кейінгі білімі бар мамандарды даярлауға, жоғары оқу орындарының дайындық бөлімдеріне, сондай-ақ мектепке дейінгі тәрбие мен оқытуға, орта білім беруге мемлекеттік білім беру тапсырысын орналастыру қағидалары

4) Мектепке дейінгі тәрбие мен оқытуды, орта, техникалық және кәсіптік, орта білімнен кейінгі, жоғары және жоғары оқу орнынан кейінгі білім беруді жан басына нормативтік қаржыландыру қағидаларын бекіту туралы " Қазақстан Республикасы Білім және ғылым министрінің 2017 жылғы 27 қарашадағы № 596 Бұйрығы;

5) "Мектепке дейінгі тәрбие мен оқытуды, орта, техникалық және кәсіптік, орта білімнен кейінгі білім беруді, сондай-ақ кредиттік оқыту технологиясын ескере отырып, жоғары және жоғары оқу орнынан кейінгі білім беруді жан басына нормативтік қаржыландыру әдістемесін бекіту туралы"Қазақстан Республикасы Білім және ғылым министрінің 2017 жылғы 27 қарашадағы № 597 бұйрығы.

2. Негізгі сипаттамаларға қойылатын талаптар

4. Қызмет қамтамасыз ететін орта білімнің білім беру бағдарламаларын іске асыратын орта білім беру ұйымында (әлеуетті өнім беруші) жүргізіледі:

ұлттық және жалпыадамзаттық құндылықтар, ғылым мен практика жетістіктері негізінде жеке адамды қалыптастыруға, дамытуға және кәсіби қалыптастыруға бағытталған сапалы білім алу үшін қажетті жағдайлармен қамтамасыз етіледі;

5. Орта білім беру ұйымы (әлеуетті өнім беруші) Қазақстан Республикасының Білім беру саласындағы заңнамасына және ішкі актілерге сәйкес оқу, тәрбие және ғылыми-әдістемелік жұмысты жоспарлайды және жүзеге асырады.

6. Сапалы қызмет көрсету үшін орта білім беру ұйымы (әлеуетті өнім беруші) МЖМБС нормаларына сәйкес оқу жұмыс жоспарлары мен оқу жұмыс бағдарламаларының, оқу жоспарлары мен оқу бағдарламаларының негізінде білім беру процесін ұйымдастырады.

7. Мемлекеттік қызмет көрсету кезінде:

1) білім беру бағдарламаларының тәрбиелік компоненттері ұлттық құндылықтарды дарытуға, патриоттық пен азаматтықты қалыптастыруға, білім алушылардың жан-жақты мүдделері мен қабілеттерін дамытуға бағытталуы тиіс.

8. Орта білім беру ұйымындағы тіл саясаты (әлеуетті өнім беруші) Қазақстан Республикасының заңнамасына сәйкес жүзеге асырылуға тиіс.

9. Қаржыландыру кезінде мыналар ескеріледі: білім беру процесіне арналған шығыстар тарифтері (МЖМБС іске асыру), ұйымдардың барлық түрлері үшін міндетті (қызметкерлердің жалақысы, Қазақстан Республикасының Еңбек кодексіне сәйкес қосымша ақшалай төлемдер, Қазақстан Республикасының Салық кодексіне, ҚР БҒМ Мектепке дейінгі тәрбие мен оқытуды жан басына шаққандағы нормативтік қаржыландыру қағидалары туралы бұйрығына сәйкес әлеуметтік аударымдар, орта, техникалық және кәсіптік, орта білімнен кейінгі, жоғары және жоғары оқу орнынан кейінгі білім беру, білім алу кезеңінде білім алушылар үшін тамақтану, жалпыға бірдей орта білім беру қорының шығындары).

10. Орта білім беру ұйымына (әлеуетті өнім берушіге) қойылатын талаптар:

- 1) білім беру қызметін жүргізуге лицензияның болуы;
- 2) жалпы білім беру бағдарламаның болуы;
- 3) оқу процесін ұйымдастыруға арналған ғимараттың (спорт залдың, медициналық кабинеттің және т.б.) болуы;
- 4) оқушылардың тамақтануын ұйымдастыру үшін асхананың болуы;
- 5) материалдық-техникалық базасының болуы

11. Қызмет кемінде 104 білім алушыны қамтуы тиіс, олар үшін сапалы білім алу үшін қажетті жағдайлар жасалуда.

Оқушылар үшін жан басына шаққандағы норматив мөлшерін есептеу:

Білім деңгейі	Нормотиптік оқушылар	Ерекше білім беру қажеттіліктері бар оқушылар (инклюзив)	Түзету сыныптарында оқитын оқушылар үшін	Үйде оқитын оқушылар үшін
1-4 класстар	357 099 тг	592 703 тг	649 948 тг	1 631 199 тг
5-9 класстар	476 687 тг	831 879 тг	770 106 тг	2 016 257 тг
10-11 класстар	563 600 тг	1 005 705 тг	814 429 тг	2 400 969 тг

3. Материалдық-техникалық базаға және персоналға қойылатын талаптар

12. Сапалы қызмет көрсету мақсатында орта Білім беру ұйымында (әлеуетті өнім берушіде) мыналар болуы тиіс:

1) материалдық-техникалық база және оқу-әдістемелік қамтамасыз ету (оқу әдебиеті мен оқу-әдістемелік құралдардың кітапхана қоры және т. б.);

2) білікті педагог қызметкерлердің (жоғары және 1 санаты кемінде 35% педагог кадрлардың) және штат кестесіне, біліктілік талаптары мен сипаттамаларына сәйкес басқа да кадрлардың болуы;

3) компьютерлік, көшіру-көбейту техникасының, интернеттің (Wi-Fi), телефон байланысының болуы.

13. Материалдық-техникалық база және оқу-әдістемелік қамтамасыз ету білім беру саласындағы нормативтік талаптарға сәйкес болуы тиіс.

5. Қызмет көрсету нәтижелеріне қойылатын талаптар

14. Орта білім беру ұйымы (әлеуетті өнім беруші) электрондық және қағаз жеткізгіштерде қызмет көрсету нәтижелері бойынша ақпараттық есептерді ұсынады.

6. Ілеспе жұмыстар мен қызметтер тізбесі

15. Сапалы қызмет көрсету шеңберінде орта білім беру ұйымы (әлеуетті өнім беруші) болуы керек:

1) Қазақстан Республикасы заңнамасының белгіленген нормаларына сәйкес материалдық-техникалық базаны (оқу үй-жайларын, спорт алаңдарын және т. б.), жабдық пен жиһазды тиісті санитариялық жағдайда ұстауды қамтамасыз ету;

2) қауіпсіздік техникасы, өрт қауіпсіздігі бойынша нұсқама жүргізу және күзет пен бейнебақылаудың болуы;

3) ғимаратқа, компьютерлік, көшіру-көбейту техникасына, тиісті жабдық пен жиһазға қызмет көрсету бойынша регламенттік жұмыстарды жүргізуді жүзеге асыру.

16. Іске асыру мерзімдері: шарт күшіне енген сәттен бастап 2022 жылғы 31 желтоқсанды қоса алғанға дейін.

7. Қаржылық операцияларды жүзеге асыруға қойылатын талаптар

18. Қызметті үшінші тұлғаларға беруге жол берілмейді.

19. Орындалған жұмыстардың актілері мен қаржылық есептер қызмет көрсету фактісі бойынша ай сайын ұсынылады.

Тапсырыс беруші:

"Нұр-Сұлтан қаласының Білім басқармасы" мемлекеттік мекемесі
Нұр-Сұлтан қ, Бейбітшілік, 11
БСН 880740000016
БСК ККМФКZ2A
ЖСК KZ22070102KSN6201000
"ҚР Қаржы министрлігінің Қазынашылық Комитеті" РММ
Тел.: 557455

Өнім беруші:

Нұр-Сұлтан қаласы әкімдігінің «№93 мектеп-лицей» шаруашылық жүргізу құқығындағы мемлекеттік коммуналдық кәсіпорны
Нұр-Сұлтан қ, Алматы ауданы, Ж.Нәжімеденова көшесі 24 ғим.
БСН/ЖСН 220540004818
БСК КСJVКZKX
ЖСК KZ988562203117259668
"Банк ЦентрКредит" АҚ
Тел.:

Басшының орынбасары

Н. Еламанов
(подпись)



Директор

Ж.Т.Нүсіпжан

